



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. XI. Probatur autoritate Vniversitatis Parisiensis, ac Doctorum Particularium illius, nec non Senatus Parisiensis, Papæ judicium in causis Fidei esse irreformabile.

urn:nbn:de:hbz:466:1-38227

PYT ECCLESIA IBI TOTIVS FIDEI ARCEM, TOTIVS ET DISCIPLINA METROPOLIM; Eoq; convenitur à nobis libertius, quo in Prisulum Primatis firmū Praefules, si quando illis dolet, maximē à vulneribus Ecclesie justissimas querelas suas deponere par est. Adeone parum tuta est Religio nostra, ut totius fidei arcem hæresi disjici posse sentiamus? Adeone parum firma est Petra, super quam Christus edificavit Eccleſiam suam, ut portæ Interi prævalere possint aduersus eam? Adeone incifax Christi Oratio, ut Petri, pro quo rogavit, defectura sit fides in ejus successoribus? Sed Ecclesiæ Gallicanæ mens luculentius appetet in Epistolis anno 1653. in ultimo capite hujus libri referendis.

C A P U T X I.

Probatur autoritate Universitatis Parisiensis ac Doctorum Particularium illius, nec non Senatus Parisiensis, Papæ judicium in causis Fidei esse irreformabile.

^{1.} Anno 1387. tota Universitas Parisiensis in Confessorio apud Clementem, quem tanquam legitimum Pontificem sequebatur, per Magistrum Petrum de Alliaco infallibile Romani Pontificis judicium in Causis fidei esse professa est his verbis in histor. Univers. ad hunc annum relatius; *Igitur pro vestris humiliibus filiis Universitatis predictæ, & pro nobis eorum Nunciis, qui suis in hac parte obsequimur mandatis, & documentis intimis, corde & ore unanimiter protestamus, quod quidquid hactenus in hac causa per eos actum est, & quidquid in ea nunc vel alias pro eis acturi, aut dicturi sumus, totum correctioni, & judicio sedis Apostolicae & sedentis in ea summi Pontificis humiliter submittimus; dicentes cum B. Hieronymo 24. quest. 1. Hec est fides, Pater Beatissime quam in Catholicæ Ecclesiæ didicimus, in qua si minus perire, aut minus cantè fortem aliquid positum est, EMENDARI PETIMVS A TE, QVI PETRI FIDEM ET SEDEM TENES. NON IGNORAMVS ENIM SED FIRMISSIME TENEMVS, ET NLLATENVS DVBITAMVS, QVOD SANCTA SEDES APOSTOLICA ESTILLA CATHEDRA PETRI, SVPRA QVAM EO-*

422 TRACTATUS DE LIBERTATIBVS,
DEM HIERONYMO TESTE FUNDATA EST ECCLESIA, q
habetur cādem questione in cap. Quoniam vetus. Et sicut dicit Cyprianus 93.
dīst. Qui Cathedram. De qua SEDE, IN PERSONA PETRI
APOSTOLI IN EA SEDENTIS DICTVM EST, PETRE RO-
GAVI PRO TE VT NON DEFICIAT FIDES TVA Luc. 22. Has
est igitur ad quam determinatio fidei, & approbatio veritatis Cathe-
retica impietatis detestatio maxime pertinet.

2. Adeo erat veneranda illi Universitati sententia de infal-
libili judicio Papæ, ut ante hunc annum nullus ejus Facultatis
Doctor ab ea recesserit, & postea, licet occasione schis-
matis, aut aliorum dissidiorum ab ea nonnulli declinaverint,
nunquam tamen ab ipsis Universitatis incunabulis usque ad
postremas contentiones defuerint Doctores, qui eam seque-
rentur. De antiquis testatur generatim Andreas Duvalius
Academie Parisiensis alumnus, ac Theologiae Professor, in
lib. *De supra Romani Pontificis in Ecclesiam potestate*, anno 1614. in
lucem emisso, & à duobus alios Doctoribus approbato, sen-
tisse illos privilegium in fide non errandi à Petro ad ejus
successores defluxisse, nec nisi à ducentis annis quemquam ab
ea sententia recessisse. Hæc sunt ejus verba; *Velint nolint Adver-
sarii, liquido constat veteres Ecclesiæ Gallicane Proceres hanc in summis Pon-
tificibus Petri successoribus infallibilitatem semper agnovisse, Christi, Domini
Orationem in Petro non stetisse, sed ad ejus successores certissime transisse,
eosque, qui hanc veritatem impugnare conati
sunt, a ducentis aut canticiter annis, quibus in
Ecclesiæ horrenda schismata irrevrunt, coe-
pissem. Quæ Doctoris assertio exemplis est roboranda.*

3. Alcuinus S. Benedicti Monachus Caroli Magni Precep-
tor, eique, ut volunt Galli, fundandæ illius Universitatis
autor, hæc habet lib. I. de Divin. offic. cap. 19. Religiosis
cultum sic Dominus instituit, ut in Beatisimo Petro principaliter collocaret, atque
ab ipso quasi capite dona sua vellet in corpus omne manare. (Nota hæc
verba, in corpus omne, ne putas Alcuinum sensisse, à summo
Pontifice in alias Ecclesiæ scorsim acceptas, non autem in cor-
pus ipsum Ecclesiæ universalis, fidei veritatem, aliaque Di-
vina dona manare.) Unde constat ab universali Orbis communione sep-
tatos esse, sicut docet B. Pelagius, qui qualibet dispensatione inter sacra Mys-
teria Apostolici Pontificis memoriam secundum consuetudinem non frequentant.

4. Al-

4. Albertus Magnus S. Thomæ Magister, qui tanto Discipulorum concursu Parisiis docuit, ut, cùm schola nimis esset angusta, in foro quod ab ejus nomine nuncupatur, legere coactus sit, ex verbis Christi ad Petrum; *Rogavi pro te, &c.* infert, Petri successores à fide, quantumvis illa impetratur, non defecturos. Hoc argumentum inquit, efficax est pro Sede Petri, & successore ipius, quod fides ejus non finaliter deficiat. Obscuritatem aliquam paret vox illa, finaliter, ac fortè de perseverantia finali in fine aliquis eam interpretaretur; nisi constaret eam quidem interpretationem S. Petro posse accommodari, non autem successoribus ejus, quibus si non esset datum in determinandis fidei quæstionibus non errandi privilegium, multò minus affirmare liceret, promissam ipsis, ut privatis personis, finalem in fide perseverantiam, multò minus de Sede ipsa B. Petri, cuius etiam meminit (*Pro Sede Petri & successione ipius*) posset illa vox, finaliter, accipi. Ea igitur vis est vox illius; posset scilicet Romanum Pontificem in rebus ad fidem spectantibus, dum eas agitat, ac discutit, aliquatenus fluctuare, quemadmodum Joanni XXII. contigit circa visionem Beatificam ante judicium universale; rebus tamen agitatis & discussis non posse quidquam solemniter definire, ac toti Ecclesiæ credendum proponere, quod sit ab Orthodoxa fide alienum.

5. Sanctus Thomas Aquinas Universitatis Parisiensis Alumnus, ac in ea deinde celeberrimus Magister, non potuit luculentius supremum & infallibile summi Pontificis, in decidendis circa fidem dubiis judicium profiteri, quām his verbis 2.2. quæst. I. art. 10. *Ad illius autoritatem pertinet editio symboli, ad cuius autoritatem pertinet DETERMINARE EA, QVÆ SVNT FIDEI, UT AB OMNIBVS IN CONCVSSA RIDE TENEBANTUR.* HOC AVTEM PERTINET AD AUTORITATEM SVMMI PONTIFICIS, ad quem majores & difficiliores Ecclesiæ questiones referuntur, ut dicitur in Decret. extra de Baptismo c. Majores. *Unde & Dominus Luc. 22. Petrus dixit, quem summum Pontificem constituit, Ego pro te rogavi, Petre, ut non deficiat fides tua: & tu aliquando conversus confirma fratres tuos. Qua cavillatione locum istum obscurabit Launius?* Non hic ad Ecclesiam Romanam, non hic ad Sedem Apostolicam, sed ad autoritatem summi Pontificis pertinere dicitur finaliter determinare ea quæ sunt fidei, ut ab omnius inconcusse teneantur.

424 TRACTATUS DE LIBERTATIBVS,

6. At fortasse, licet non exprimat, intelligit tamen S. Thomas casum, cum summus Pontifex in Concilio Oecumenico sedet, ac praesidet. Contra verò eam restrictionem expressis verbis rejicit S. ille Doctor de potentia quæst. 10. art. 4. ad 13. ubi postquam summo Pontifici, sicut & Concilio Oecumenico autoritatem tribuit interpretandi Symbolum, subjungit; *Sicut autem posterior Synodus potestatem habet interpretandi Symbolum a priore Synodo conditum, ac ponendi aliqua ad ejus explanationem, ut ex predictis patet; ita etiam Romanus Pontifex hoc sua autoritate potest, cuius autoritate sola Synodus congregari potest, & à quo sententia Synodi confirmatur, & ad ipsum à Synodo appellatur. Quæ omnia patent ex gestis Chalcedonensis Synodi.* Objectionem de necessitate Concilii preoccupat his verbis; *NEC EST NECESSARIUM, QVOD AD EIVS EXPOSITIONEM FACIENDAM UNIVERSALE CONCILIVM CONGREGETVR,* cum quandoque id fieri prohibeant bellorum dissidia, sicut in septima Synodo legitur, quod Constantinus Augustus dixit, quod propter imminentia bella universaliter Episcopos congregare non potuit: sed tamen illi qui convenerunt, quedam dubia in fide exorta, sequentes sententiam Agathonis Papæ determinaverunt. Scilicet quod in Christo sint duo voluntates & duas actiones, & similiter Patres in Chalcedonensi Synodo congregati fecerunt sententiam Leonis Papæ, qui determinavit Christum esse in duabus naturis post incarnationem.

7. Antiquos secuti sunt novi quamplures: Joannes à Ceila Doctoratus Lauream in Universitate Parisiensi asecutus, in 3. sentent. dist. 25. quæst. 4. quintam hanc ponit conclusionem; *QVINTA CONCLUSIO EST ISTA. ROMANÆ SS. DIS IUDICIVM IN HIS QVÆ FIDEI SVNT, ET AD HVMANAM SALVTEM NECESSARIA, ERARE NEQVIT;* *Quod probatur ex promissione Salvatoris Nostri Luc. 22. qua verba allegat Bernardus scribens Innocentio Papæ..... Idem afferunt D. Cyrillus, & D. Chrysostomus, & D. Gregerius. Deinde illorum rejicit sententiam, qui infallibilitatem penes Ecclesiam universalem tantum, non autem penes Romanum Pontificem solitariae sumptum reponunt. Contra istam conclusionem arguitur. Doctores Catholici glossant illam autoritatem Salvatoris de universalis Ecclesia, & non de Sede Romana, ergo male assumitur talis autoritas pro fundamento istarum conclusionum. Ad hanc replicam respondetur negando antecedens, inquit necessarium est dicere, quod non intelligatur de universalis Ecclesia. Nam subjungitur, Et in aliquando conversus, *Idcirco**

Idcirco D. Cyrilus, & D. Chrysostomus, & D. Leo, & B. Agatho, & D. Bernardus, & Anselmus, & Albertus Magnus, & D. Thomas glossat prefatam autoritatem de Ecclesia Romana, ut distinguitur ab aliis Ecclesiis.

8. Andreas Duvallius, ut supra diximus Doctor Sorbonicus, & in Academia Parisiensi Regius Theologiæ Professor de supra Romani Pontificis in Ecclesiam potestate Tractatum emisit in lucem ann. 1614. eumque approbarunt G. J. Roger, & J. Roche Facultatis Theologiæ Parisiensis Doctores his inter alia verbis. *Juris ut fiat publici opera pretium duximus ad sanctissimi Domini nostri Papa autoritatem tuendam, nec non ad summam cum eodem Capite suo visibili Romano Pontifice unionem arctissimè retinendam, cui alter schismaticorum mala mens malasq; animus male & seditione consilium vellet.* 10. Kal. Febr. an. sal. 1614.

9. Joannes Puteanus Augustinianus Professor Regius in Academia Tolosana, qui Parisiis Theologiam didicerat, in 2. 2. S. Thomæ quæst. 1. art. 6. dubit. 2. conclusionem hanc secundam ponit; *SOLIVS PONTIFICIS MAXIMI EST RES DE FIDE CATHOLICA DEFINIRE, ET EASDEM CERTO ET INDEVIDANTER PROPONERE CREDENDAS, quam sacræ Scripturæ, Patrumque, atque aliorum Doctorum testimoniis probat. In solutione autem primæ objectionis infallibilitatem, quam habent Episcopi in Concilio universali, connexioni, quam habent cum summo Pontifice, adscribit, eamque Concilio, absente summo Pontifice, denegat. Infallibilis ista assentia Spiritus sancti non est aliunde repetenda, quam a promissione D. Petri facta. Unde propter connexionem quam supponimus dari inter Episcopos & Pontificem Maximum, in Concilio Generali, statuendum est, Episcopos illic congregatos nullo modo errare posse in rebus de fide decidendis. SI TAMEN FVERINT CONGREGATI TOTIVS OREIS EPISCOPI ABSENTE PONTIFICE MAXIMO, ET EIUS LEGATIS, EPISCOPI SVI CIVNTVR ERRORIEVS.*

10. Leonardus Coquœus etiam Augustinianus in Universitate Parisiensi Doctor Theologus in Antimornæo tom. I. pag. 83. *QVOMODO IGITVR, inquit, AGRE' FERVNT (Hæretici) NOS ROMANVM PONTIFICEM CONCILIIS SUPERIOREM ASSEVERARE? ET ROMANO PONTIFICI, ET CONCILIIS OECUMENICIS IN SPIRITU SANCTO LEGITIME*

426 TRACTATVS DE LIBERTATIBVS,
TIME CONGREGATIS TANTVM DEFERIMVS, VT NEC IL-
IVM, NEC ISTA, IN DEFINIENDIS, QV& AD FIDEM ET
MORES PERTINENT, AC REGIMENT ECCLESIA SPECTANT,
ERRARE POSSE ASSEGRAMVS: NEC QVIDQVAM TOTI EC-
CLESIA PROPONERE CREDENDVM, QVOD SIT ERRORENV;
ut hereticus aut temerarius ille sit nobis, qui vel Romani Pontificis, vel Oto-
menicorum Conciliorum statutis ac definitionibus refragari audeat. Tomo au-
tem 2. pag. 237. Cum sedeat in Cathedra Petri, pro quo Dominus reg-
nit ut non desiceret fides ejus; & ut confirmaret fratres suos, non sine cum
ex illa Cathedra aliquem errorem loco fidei salutifera obrudere fidelibus ca-
dendum.

11. Hervæus Natalis Brito Ordinis Fratrum Prædicatorum
Generalis in tract. de potestate Papæ, quem refert, & se-
quitur S. Antoninus Archiepiscopus Florentinus, ejusdem Or-
dinis, 3. part. summæ Theologiæ tit. 22. cap. 2. §. 3. probat
necessitatem unius capituli in Ecclesia ex necessitate conformi-
tatis in veritate fidei & morum hoc modo; In tota universitate
Christiana debet esse confirmitas de his, que pertinent ad veritatem fidei &
bonos mores circa necessaria ad salutem. Sed talis conformitas non potest salvare,
nisi in ordine ad unum Caput, seu unum Presidentem, ad quem possint sen-
tentiare quid credendum, & quid non credendum. Ergo, &c. An Christus
constituens summum Pontificem ad definiendas ejusmodi
controversias pro tota universitate Christiana, negavit que necessa-
ria erant, ut certa esset ejus definitio, circa necessaria ad salu-
tem?

12. Infallibile judicium Papæ in decidendis fidei contro-
versiis probat Michael Mauclerus Parisinus Doctor Sorboni-
cus in libris de Monarchia Divina Ecclesiastica & seculari
Christianæ Parisiis an. 1622. editis, & Gregorio XV. ac Lu-
dovico XIII. Regi Franciæ dicatis 2. part. lib. 4. capp. 4. §.
6. & 7. eamque communem esse in Scholis Theologorum
sententiam asserto cap. 4. his verbis; Hæc illæ communis sive
sapientia Professorum, qua docetur in Scholis, assertio, disceptationum causa-
rumq; de fidei cursum, motumq; Romani Pontificis in Cathedra Petri sedens
consopitum iudicio finiri. Sic senserunt Doctores Gallicani aliquæ
schismatis, vel alterius dissidii occasione non exasperati.

14. Ita ad autoritatem Joannis Gersonii ejusque sequa-
cium respondet Andreas Duvalius part. 2. quæst. 1. Scio quidem

in re Pontificia, Alliaceensem, Gersonium, & Almainum non esse tante autoritatis, quia tempore schismatum floruerunt & scripserunt, duo priores, quando nes se pro Pontificibus gerebant: postremus vero, nempe Almainus tempore Iulii II. & Concilium Turonensis, quo Gallia sub Ludovico XII. a Sede Apostolica defecrat, &c. Aliam affert responsonem quæst 4. ad nonum. Joannes Gerson, inquit, Jacobus Almain & Joannes Major celebres schola Parisiensis Doctores cum nonnullis aliis privilegium infallibilitatis Pontifici denegarunt, sed illud ei concesserunt alii, quorum quidam multò sunt illis celebriores, ut D. Thomas 2. 2. quæst. 1. art. 10. Ad summum Pontificum pertinet ea, quia sunt fidai definire, ut ab omnibus inconcusa fide teneantur. Itemque D. Bonaventura singulariter schola Parisiensis decus & ornamennum, & cajus doctrinam Gerson ad studentes in Collegio Navarra miris landibus ad Calum usque extollit: Herveus Armoricus, Henricus Gandavensis, & Joannes de Celaia ambo Societatis Sorbonicae: itemque Doctores illi, qui in Comitiis schola Generalibus errore Malefici condemnauit, his verbis: Ad sanctam Apostolicam Sedem pertinet autoritate judiciali supremam circa ea, quae sunt fidei definire. Quo sit ut iniquè Vigorius me tanquam schola Parisiensis desertorem, & veluti perduellum scriptis suis traducere & proscindere presumat, presertim cum, ut in Elencho contra Richerium aperte significavimus, nihil quidquam à Facultate Pariseris contra Pontificis infallibilitatem unquam sit definitum.

14. Ludovicus Bail in apparatu ad Concilia quæst. 43. & sequ. non solum juxta S. Thomæ, quam supra declaravimus mentem, sed & per ipsa ejus verba respondet ad quæstiones de judicio Papæ in quæstionibus Fidei. Hunc, aliosque nonnullos citamus; quia licet fortasse non tanti sint ponderis: tamen cum Galli sint, Galliæ mentem testantur.

15. Denique tamen Universitas Parisiensis nonnihil ab antiqua doctrina recessit; sed certis gradibus ac ferè invita. Namque adhuc mense Maio 1663. quo tempore ortum fuerat dissidium inter Alexandrum Papam, & Regem Christianissimum, prodidit Decretum cum hoc titulo; Declarationes sacre Facultatis factæ apud Regem Christianissimum super quibusdam propositionibus, quas nonnulli ipsi voluerunt adscribere. Quintus articulus erat iste; Doctrinam Facultatis non esse, quod summus Pontifex sit supra Concilium. Sextus; Non esse doctrinam, vel dogma Facultatis, quod summus Pontifex nullo accidente Ecclesiæ consensu sit infallibilis. Hic Facultas modo negat, responder non esse doctrinam, &c. Apertiùs deinde locuta est

Hhh 2

in

16. Nihilominus antiquum usum nondum immutavit, neque mutare suadentibus obtemperandum duxit, de quo usu Andreas Duvalius; *Laudabilis*, inquit, *in Academia Parisiensi viget consuetudo*, qua *Baccalaurei de questionibus Theologicis solemniter respondere protestationes præmittunt*, se nolle quicquam contra *Decreta sancte Matris Ecclesie*, necnon *santa Sedis Apostolica & Romana assertere*, aut defendere, & si quid in *estu disputationis* adversus *eiusmodi Decreta*, illis excedent, *ignorantia*, vel *immemoria*, vel *lingue præcipio attribuendum velle*.

17. Autoritati Universitatis Parisiensis adjungenda est, quam illa tam frequenter imploravit, cuique ut primum ultrò, ita deinde invita subjacut, Senatus Parisiensis autoritas. Ille igitur Senatus ad Ludovicum XI. per Joannem Lozellier Inquisitionum Cameræ Præsidem, cuius oratio refertur à Petro Puteano inter Tractatus de libertatibus Ecclesiæ Gallicæ, ita Regem alloquitur art. 20. „Protestatur Curia Vestræ „Majestati se nullo modo propter quæcumque inferiùs di- „cenda velle excellenti sanctitati, dignitati, honori, & „autoritati nostri sancti Patris Papæ, sanctæque Sedis Aposto- „licæ derogare: sed contra ei omnem honorum, reveren- „tiam, & obedientiam, quam omnes boni fideles Catholi- „ci supremo Ecclesiæ Pastori præstare tenentur, sicut ve- „ros filios Ecclesiæ Matri sanctissimæ reddere, & exhibere: „protestans insuper si quid dictum factumque à se fuerit quod „correctione egeat, illud totum velle se omnino Ecclesiæ „sanctæ Apostolice & Romanæ determinationi submittere, „quæ errare non potest juxta Canonem. A recta 24. quæst. 1.

C A P U T X I I .

*Probatur testimonio summorum Pontificum in questionibus
Fidei Romani Pontificis judicium esse certissimum.*

1. **S**I summorum Pontificum tanquam in propria causa lo-
quentium rejicienda esset autoritas, nec cum Digni-
tatis, Sanctitatis, aut meriti habenda ratio, pari vel potiori
etiam